



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 11. Diversorum judicia de causa Labadianæ Apostasiæ.

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

taxat Calvinistis complacendi studio pu-
 blicæ fidei suæ confessioni inseruerit: Sæc. XVII.
 vel enim ea, objiciebat P. Antonius, A. C. 1644.
 quæ per quindecim istos annos inter
 Jesuitas & Catholicos sibi contigisse
 scripserat, vera, vel imaginaria, vel
 artificiose adinventa fuere: si vera cen-
 suit, tunc manifeste de falsitate Calvi-
 nianæ sectæ, quæ Christi præsentiam
 negat, ipsum fuisse convictum sequi-
 tur, si imaginaria, oportuit, ipsius
 phantasiam fortiter imbutam fuisse de
 veritate illius mysterii, cum ipsi tam
 vivas species exhibuisset: si autem ma-
 litiose convicta, nonne se sacrilegum
 impostorem, hypocritam, atque ex
 omnium scelerum colluvie natum ho-
 minem proderet &c. Verum ad hæc
 P. Antonii literas Labadæus confusio-
 næ obrutus, nullum dedit responsum.

§. XI.

*Diversorum judicia de causa Laba-
 dianæ Apostasiæ.*

Postquam certa fama de Labadæi a-
 postasia Galliam pervaserat, mox *Lettre d'un*
 Molinistæ ultra modum ovantes, hu- *Doff. sur le*
 jus Viri ruinam Jansenismo tribuebant, *sujet de*
 cunctosque, qui se sancti Augustini Di- *l'Apost. de*
 scipulos dicebant, *Labad.*
Calvinianos appella-
bant troffulos, qui sub externa corporis
com-

Sæc. XVII. A. C. 1644. *compositione, & Sacrorum verborum specie Calvinii venenum in suo corde contegunt, illudque in Auditorum, amicorumque aures interim instillant, donec favente temporis opportunitate palam sese Calvinistas esse profiteri possent, cum Jansenistarum & Sancyranorum spiritus plene Spiritui & Calvinistarum doctrinæ consonet.* Eo fine typis vulgarunt librum, quem hoc titulo honorarunt: *Triumphus Catholicae veritatis adversus Novatores, sive Jansenius damnatus, & paulopost ex eorum officina alius prodiit liber, cui titulus: Trita Jansenismi via ad Calvinismum ductore Joanne Labadæo.* Cum autem illi, qui Jansenistæ a Molinistis dicebantur, a Calvinii erroribus summopere abhorrent, & Ecclesia Jansenium nunquam damnasset, nec tum de erroneis propositionibus iudicio Ecclesiæ adhuc constitisset, hinc illi Labadianæ apostasiæ causam ex Jansenii doctrina falso repeti, seque tam injuriose ab ejusmodi hominibus traduci, ægerrime ferebant, haud ignari, quod ejusmodi calumniam non alio fine Jansenistis impingerent, nisi ut ipsi suæ opinionis trophæum super Augustinianæ doctrinæ ruinas erigere, folique de Ecclesia bene meriti a vulgo videri possent: Hæc ipsa autem intemperies duntaxat ad exacerbandos animos, & fabricandam novam sectam per-

mu-

mutuam æmulationem, fervensque Sæc. XVII.
 contradicendi studium tritam pande- A.C. 1644.
 bat semitam. Eapropter non feriaban-
 tur Jansenistarum calami, atque inter
 eos præcipue Hermanus Bellovacensis
 Canonicus prolixam edidit epistolam,
 in qua solide demonstratum ibat, ex
 funesto Labadæi lapsu Jesuitis nullum
 cum Judæis, Hæreticis, & Paganis
 triumphandi, sed potius ad Ecclesiæ
 Catholicæ imitationem tristandi argu-
 mentum præberi: solos Rupellenses
 Calvinistas, non autem Jansenistas tri-
 pudiasse, dum P. Petrus Jarrigius Je-
 suita, paulo ante die vigesima quinta
 Decembris anno hujus sæculi quadra-
 gesimo septimo coram Calviniano Se-
 natu, & anno sequenti die vigesima
 quinta Martii in Templo fidem Catho-
 licam abjurasset; nec tamen propterea
 Jansenistas librum sub hoc titulo: *trita*
via Jesuitismi seu Molinismi ad infernum,
 typis vulgasse: nec pæana cecinisse,
 dum alius quidam Jesuita eodem hoc
 anno Carnoti prope Aureliam in vigilia
 Nativitatis Dominicæ duobus vulneri-
 bus pectori suo inflictis semetipsum in-
 teremit, quin eis exprobrassent Janse-
 nistæ falsitatem vaticinii Societati suæ
 facti, quod *quicumque in eo Ordine de-*
cesserit, vita fruatur sempiterna, & om-
nes omnino ac singuli ad mortem usque, si
Imago I. Sæc. S. J. l. 5. c. 8.
Hist. Eccles. Tom. LXI. C in

Sæc. XVII. *in Societate constiterint, servandi sint.* His
A. C. 1644. præmissis hic idem Canonicus demon-
 strabat, quod prima Labadianæ ruinæ
 origo fuerint falsæ revelationes, visio-
 nes, somnia &c. quibus vel delusus,
 vel alios deludere adhuc in Societate
 moliebatur, priusquam de Jansenii Au-
 gustino vel somnium esset, altera vero
 causa, quam tamen Jesuitæ in præ-
 fato libello suppresserant, Ecclesiasticæ
 pœnæ timor exstiterit. Postea præfatus
 Canonicus multis argumentis ostendit,
 quod Molinistæ perperam Labadianæ
 apostasiæ causam ex iis repetant, quæ
 hic perfidus ad aucupandam suorum
 Mæcenatum gratiam & patrocinium
 allegaverat, cum omnes illi, qui ex
 Ecclesiæ castris transfugiunt, ejusmodi
 obtentibus suam perfidiam honestare
 satagant, hic idem Author atrocem il-
 lam calumniam, qua Molinistæ Janse-
 nistas Calvinio obviam in scripserant,
 exagitant, ex ipsius Jansenii odio in
 Calvinistas, necnon ex ipso Labadæi
 testimonio de Jansenistarum obsequio
 erga Ecclesiam demonstrabat, quod
 Jansenistæ, nisi æque fideliter Eccle-
 siæ, quam doctrinæ gratiæ inhærent,
 se genuinos sancti Augustini discipulos
 nominare non auderent, de cetero au-
 tem ipsi nec ulla, etiam cruenta ad-
 versariorum vexatione terreri, minus
 vero

vero ab Ecclesiæ sinu avelli possent. Hæc Sæc. XVII.
Historica fide retuli, nec mea facio, A. C. 1644.

§. XII.

Censura Facultatis Parisinæ in libellum de Christiana Familia.

Hoc item anno die prima Octobris Argentre
Antonius de Breda Facultatis Coll. Jud.
Theologicæ Syndicus coram Sorbonæ Fac. Par.
Doctoribus exposuit, se præ manibus t. 3. p. 53.
habere libellum, cui titulus: *Familia*
Christiana sub Magisterio sancti Josephi,
in eo autem multa animadversione di-
gna deprehendisse, ac propterea eun-
dem ipsi Facultati examinandum tra-
dere. Re percepta mox Facultas hanc
in rem quosdam selegit Magistros, qui
quinto post die retulerunt. „Authorem
„hujus libelli peculiaris cujusdam spi-
„ritus ductu, respexisse ad vanitates &
„infanias falsas, & miracula ac reve-
„lationes sibi finxisse, ut Familiam &
„Institutum suum extolleret, & cæte-
„ris omnibus præferret: Multa contra
„Ecclesiæ usum & praxim, ejusque san-
„ctitatem, integritatem, & authorita-
„tem, contra genuinum S. Scripturæ
„sensum, Sacros Canones, Apostolicas
„Constitutiones, vota atque Instituta
„Regularium, atque etiam in Dei sum-
„mi, Christi Domini, Augustissimæ Ma-
C 2 „tris